

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-10-Z/25
Kakanj, 25.09.2025. godine

Z A P I S N I K
sa 10. redovne sjednice Općinskog vijeća održane 25.09.2025. godine (četvrtak)
u sali Općinskog vijeća sa početkom u 09:00 sati
(sažetak zapisnika)

Predsjedavajući Općinskog vijeća Slaven Katičić je pozdravio prisutne i otvorio 10. redovnu sjednicu Općinskog vijeća.

Nakon intoniranja himne svečanu zakletvu je dala novoizabrana članica OIK-a Alma Neimarlija.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Hamza Vahid El-Din, Amel Kusić, Dženan Ajdinović, Tarik Hodžić, Mustafa Subašić, Edin Čatić, Ilhana Alajbegović, Sanda Hasagić-Terzić, Ilda Arnautović i Izudin Hrusto **(nakndno pristupio) (SDA)**

Mensur Čehajić, Sanel Šabanović, Senad Softić, Vinka Aletović, Edin Šljivo i Adem Bečirhodžić **(SDP BiH)**

Adnan Demir i Mirnes Pipo **(NV)**

Branko Češljčić **(NS)**

Fahrudin Buza i Mirsad Tursum **(nakndno pristupio) (NiP)**

Mirela Kubura i Nermina Mehić **(SN)**

Rešad Merdić **(S BiH)**

Armin Bašić **(DF)**

Slaven Katičić **(HDZ BiH)**

Muho Fafulić **(nacionalne manjine)**

Odsutni vijećnici: Irina Imamović **(SDP BiH)**, Mensur Bliznović **(NV)** i Dževdet Huskić **(NS)**

Predsjedavajući je konstatovao da je na sjednici u momentu prijave prisutno 25 vijećnika i vijećnica, te su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

Mirnes Bajtarević, općinski načelnik

Emir Zaimović, sekretar Općinskog vijeća

Ramiz Hasić, pomoćnik općinskog načelnika za finansije

Mirza Fazlić, pomoćnik općinskog načelnika za privredu, urbanizam i zaštitu okoline

Edin Aliefendić, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Mukades Delibašić, pomoćnik općinskog načelnika za imovinskopравne, geodetske poslove i katastar nekretnina

Bahrudin Arnaut, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

Nurudin Hrusto, pomoćnik općinskog načelnika za civilnu zaštitu

Mahir Sikira, šef Stručne službe za poslove općinskog načelnika

Izudin Puščul, direktor Zavoda za planiranje i izgradnju Općine Kakanj

Predstavnici medija

NTV IC Kakanj

Radio Kakanj

Napomene o radu Kolegija Općinskog vijeća

Predsjedavajući je napomenuo da je u pripremi 10. redovne sjednice Općinskoga vijeća, Kolegij održao sjednicu dana 17.09.2025. godine i razmatrao pristigle predstavke, prijedloge i inicijativama, te je po istima zauzeo stavove i proslijedio ih nadležnim službama i organima na daljnje postupanje.

Usvajanje zapisnika sa 9. redovne sjednice Općinskog vijeća

Nije bilo primjedbi na zapisnik i isti je usvojen jednoglasno sa 25 glasova ZA.

Komentari na dostavljene odgovore na vijećnička pitanja

Nije bilo komentara na dostavljene odgovore na vijećnička pitanja.

Komentari na dostavljena mišljenja na vijećničke inicijative

Nije bilo komentara na dostavljena mišljenja na vijećničke inicijative.

Vijećnička pitanja

Ilda Arnautović: je postavila vijećničko pitanje koje konkretne mjere su poduzete, odnosno planirane, radi povećanja sigurnosti učenika i drugih građana na lokacijama u neposrednoj blizini škola (Gimnazija „Muhsin Rizvić“, Mješovita srednja škola Kakanj, STŠ „Kemal Kapetanović“ i OŠ „Hamdija Kreševljaković“), posebno u pješačkim zonama, a u vezi problema brze vožnje?

Armin Bašić: je postavio dva vijećnička pitanja. Prvo je ko je investitor puta koji je u izgradnji na potezu od naselja Hrasnice u pravcu starog sela Trijepče pored vidikovca Hurije? Da li postoji urbanistička saglasnost za taj projekat, ko vrši nadzor nad izvođenjem radova, te zašto o izvođenju radova nije obaviještena MZ Koprivnica obzirom da se radi o problematičnoj trasi sa neriješenom odvodnjom oborinskih voda koje prilikom jačih padavina doslovno zatrpavaju pristup OŠ „15. april“? Drugo pitanje je koliko na području izletišta Ponijeri ima površina uređenih za izlete, odmor i rekreaciju, a koje su javnog karaktera?

Rešad Merdić: je postavio vijećničko pitanje da li je i koliko bilo prijava ujeta pasa lotalica u 2025. godini i da li su održani sastanci sa Veterinarskim stanicama i Udruženjem građana za zaštitu životinja o načinu zbrinjavanja pasa lotalica?

Adnan Demir: je postavio vijećničko pitanje ima li Policijska stanica Kakanj izvještaj ili informaciju o dosadašnjoj primjeni Odluke o javnom redu i miru, usvojene na 5. sjednici Općinskog vijeća Kakanj dana 27. marta, a posebno u dijelu koji se odnosi na član 3. stav (1) tačka 19. iste? Naime, navedenom odredbom je propisano da se kršenjem javnog reda i mira smatraju i određene radnje putem društvenih mreža, elektronske pošte i SMS poruka (prijetnje, vrijeđanje, omalovažavanje, nepristojno ili drsko ponašanje, svaki oblik uznemiravanja građana ili službenih lica). S tim u vezi traži sljedeće: - da se dostavi pregled dosadašnje primjene sporne odredbe (broj prijava, struktura prijavljenih, postupci koji su vođeni); - da se objasni način tumačenja predmetne odredbe u operativnoj praksi i da policija iznese svoj stav o tome; - da se predlože eventualne korekcije ili mjere koje bi mogle spriječiti zloupotrebu zakonskih i podzakonskih akata u političke svrhe.

Predsjedavajući je konstatovao da je vijećnik Mensur Čehajić postavio vijećnička pitanja bez korištenja govornice.

Mensur Čehajić: je postavio dva vijećnička pitanja. Prvo je kada će Elektrodistribucija izvršiti provjeru stanja svih drvenih nosivih stubova elektrodistributivne mreže na području općine Kakanj, te da li postoji plan njihove zamjene sigurnijim materijalima (betonskim stubovima) i u kojem roku se to planira realizovati? Napomenuo je da su građani više puta ukazivali na postojanje dotrajalih drvenih stubova na području općine koji predstavljaju sigurnosni rizik za ljude i imovinu. Drugo pitanje je koji su razlozi zbog kojih se ne vrši redovno očitavanje brojila stvarne potrošnje električne energije, odnosno zašto se računi obračunavaju paušalno, a ne prema stvarnoj potrošnji električne energije?

Vijećničke inicijative

Dženan Ajdinović: je pokrenuo vijećničku inicijativu za hitno donošenje dodatnih kratkoročnih i dugoročnih mjera za poboljšanje stanja okoliša u općini Kakanj, odnosno smanjenja zagađenja zraka, vode i tla. Kakanj je industrijski grad koji je svoj rast i razvoj bazirao na razvoju rudnika, kasnije termoelektrane i tvornice cementa, a u novije vrijeme i ostalih srednjih i/ili manjih privrednih subjekata. Međutim, industrijski razvoj nosi sa sobom posljedice koje se ogledaju u negativnom utjecaju na okoliš, prevashodno na zdravlje stanovništva. Primjenom Zakona o zaštiti okoliša i ostalih propisa koji tretiraju tu oblast negativan utjecaj bi se trebao konstantno smanjivati, ali je mišljenja da je to nedovoljno. Iz tog razloga je podnio inicijativu za donošenje dodatnih mjera i sprovođenje dodatnih aktivnosti na način da se formira stručni tim koji će u saradnji sa općinskim službama predložiti dodatne mjere koje će imati za cilj što prije značajno smanjiti negativan utjecaj na okoliš i time znatno poboljšati kvalitet života stanovništva općine Kakanj. U pitanju bi bio multidisciplinarni tim u čijem sastavu bi obavezno bila i stručna lica koja imaju kompetencije i iskustvo u upravljanju zaštitom okoliša. Tim bi donosio prijedloge mjera koje bi se ticale svih zagađivača, posebno pravnih lica s jednim zadatkom poboljšanja sadašnjeg stanja svih vrsta zagađenja za dobrobit stanovnika općine Kakanj.

Hamza Vahid El-Din: je pokrenuo dvije vijećničke inicijative. Prva je za postavljanje kontejnera za kabasti otpad u zimskoj sezoni u MZ Pope. S obzirom da dolazi zimski period u kojem značajan broj domaćinstava u MZ Pope i gravitacionim područjima u privatnim ložištima koriste ugalj kao gorivo za zagrijavanje, kao posljedica se javlja problem odlaganja otpada. Kako se otpad iz ložišta ne bi odlagao po livadama, rijekama i općenito u prirodi, što bi moglo dovesti do pojave novih divljih deponija i zagađenja tla, podnio je inicijativu da se u dogovoru sa predstavnicima MZ Pope odredi lokacija i postavi kontejner za kabasti otpad, kako bi stanovništvo te i okolnih mjesnih zajednica na organizovan način odlagalo otpad iz ložišta. Napomenuo je da je posljednjim cjenovnikom na račune korisnika uvrštena nova stavka „kabasti otpad“ za svako domaćinstvo, te predlaže da se kroz tu stavku pokrije i odvoz otpada iz ložišta, što bi mogao biti model i za ostale mjesne zajednice na području Kakanja. Druga inicijativa se odnosi na postavljanje ograde na dječijem igralištu u MZ Varda. Naime, to igralište je locirano odmah pored lokalne saobraćajnice, a isto koristi veliki broj djece s obzirom da se radi o jednoj od većih mjesnih zajednica po broju domaćinstava. Postojeća ograda koja se nalazi između saobraćajnice i igrališta nije adekvatna sa sigurnosnog aspekta, te je potrebno planirati postavljanje nove. Na taj način bi se uveliko doprinijelo povećanju stepena sigurnosti djece kao i učesnika u saobraćaju.

Senad Softić: je pokrenuo vijećničku inicijativu da Odsjek za inspekcijske poslove Općine Kakanj u saradnji sa predstavnicima savjetima mjesnih zajednica izvrši obilazak putnih saobraćajnica u svih 45 mjesnih zajednica ili da isti svojim aktima da doprinos u uklanjanju šiblja i drveća u putnom pojasu koji ugrožava normalno kretanje vozila i ljudi, te ugrožava visokonaponske mreže i mrežu javne rasvjete.

Ilda Arnautović: je pokrenula vijećničku inicijativu za obezbjeđenje parking mjesta ispred stambenih objekata za roditelje djece sa poteškoćama u razvoju. Roditelji djece sa poteškoćama u razvoju svakodnevno se suočavaju sa nizom izazova u brizi za svoju djecu. Jedan od tih izazova koji se često zanemaruje jeste i nedostatak odgovarajućeg parking mjesta u neposrednoj blizini njihovog mjesta stanovanja. Iako određeni vidovi olakšice već postoje za osobe sa invaliditetom u praksi se često dešava da roditelji djece sa različitim razvojnim poteškoćama ne mogu ostvariti pravo na posebno parking mjesto, jer njihova djeca ne ispunjavaju kriterije za korištenje već postojećih pogodnosti, iako svakodnevna potreba za istima postoji. S toga predlaže da se izradi i usvoji pravilnik ili uradi dopuna postojećeg pravilnika kojim bi se omogućila dodjela jednog parking mjesta ispred stambene zgrade za porodice koje imaju dijete sa poteškoćama u razvoju. Da se u saradnji sa nadležnim službama (Centar

za socijalni rad) zdravstvene ustanove, udruženja roditelja i sl. definišu jasni kriteriji za ostvarenje ovog prava i da se obezbijedi da ta mjesta budu jasno obilježena, te da budu izuzeta iz režima naplate.

Armin Bašić: je pokrenuo vijećničku inicijativu za konačno rješavanje sistema kanalizacije na području MZ Koprivnica obzirom da je projekt za istu davno izrađen, te da se isti uvrsti u program raspodjele sredstava i da se što prije pristupi izgradnji. Razlozi za podnošenje inicijative su prije svega devastacija i uništavanje koprivskog potoka, užasan miris u toku ljetnjih dana i mogućnost pojave i širenja zaraznih bolesti.

Vinka Aletović: je pokrenula dvije vijećničke inicijative. Prva je za proširenje toplifikacije daljinskog sistema grijanja u ulici 311. lahke brigade. Stanovnici ulice 311. lahke brigade u MZ Povezice su upućivali zahtjev prema JP „Grijanje“ za proširenje toplifikacije dijela ulice (neparni brojevi stambenih jedinica) jer je ranijom toplifikacijom obuhvaćena samo jedna strana ulice. Građani su u svom zahtjevu naveli da su se decenijama borili za toplifikaciju – od kupovine cijevi, plaćanja projekta itd, te su voljni i dalje da učestvuju u realizaciji izrade projektne dokumentacije za podstanicu i toplovod. Druga inicijativa je za asfaltiranje lokalne ceste u MZ Bilješevo. Naime, lokalna cesta koja se nalazi između područne škole „Ahmed Muradbegović“ i bazena u Bilješevu, u dužini od oko 100 metara je u katastrofalnom stanju. Dionicu su održavali sami mještani koji su se i ranije obraćali nadležnim organima da se ova dionica asfaltira, jer njome prolaze djeca prema školi, a na tom dijelu se nalazi i ambulanta. Da stvar bude još teža na toj dionici nema ni javne rasvjete.

Tarik Hodžić: je pokrenuo dvije vijećničke inicijative. Prva je za proširenje zavoja i izgradnju potpornog zida na putu prema gornjoj koloniji u ulici Rudi Čajavec. Na navedenoj lokaciji put je izrazito uzak, a zavoj nepregledan, što stvara probleme u mimoilaženju vozila, te značajno povećava rizik od saobraćajnih nezgoda. Tokom zimskih mjeseci situacija je otežana zbog poledice i smanjene preglednosti, što dodatno ugrožava sigurnost učesnika u saobraćaju. Druga inicijativa je za zamjenu dotrajalih drvenih stubova ulične rasvjete zajedno sa rasvjetnim tijelima u ulici Rudi Čajavec. Stubovi postojeće rasvjete su u vidno lošem stanju (oštećeni i truhli), te predstavljaju opasnost za sigurnost pješaka, vozača i imovine, a istovremeno otežavaju održavanje i kvalitetno osvijetljenje ulice.

Adnan Demir: je pokrenuo vijećničku inicijativu za izgradnju dječijeg igrališta u naselju Ivnica u MZ Tršće. Inicijativa je bazirana na molbi mještana naselja Ivnica za pokretanje aktivnosti u cilju izgradnje dječijeg igrališta, jer i pored višegodišnjih obećanja, igralište u ovom naselju još uvijek nije izgrađeno, iako je potreba za njim nemjerljiva. Naime, u naselju trenutno živi preko 50 djece predškolskog i školskog uzrasta, koja su primorana svoje slobodno vrijeme i aktivnosti igre provoditi na cesti i to na vrlo frekventnoj saobraćajnici koja vodi prema Tršću i izletištu Ponijeri. Stoga apeluje da se u najkraćem mogućem roku preduzmu koraci za izgradnju dječijeg igrališta u naselju Ivnica, kako bi se djeci omogućio siguran i primjeren prostor za igru, a roditeljima pružio barem minimum osjećaja sigurnosti.

Mirnes Pipo: je pokrenuo vijećničku inicijativu za odblokiranje građana na Facebook stranici Općina Kakanj - načelnik. Smatra da građane treba odblokirati na Facebook stranici Općina Kakanj - načelnik koja služi kao oficijelna stranica Općine Kakanj, odnosno da je ista javno glasilo Općine Kakanj i ima ulogu informisanja građanstva o aktivnostima i događajima. Ističe da je važno da zvanična stranica Općine Kakanj ostane prostor otvoren za sve građane, bez obzira na različita mišljenja. Brisanje komentara i blokiranje korisnika stvara osjećaj uskraćivanja prava na slobodno izražavanje, što nije u duhu transparentnog i odgovornog rada. Predlaže da se uvaži pravo građana da putem komentara iskažu svoje stavove, prijedloge pa i pohvale, jer se upravo kroz otvoreni dijalog gradi povjerenje i bolja zajednica.

Predsjedavajući je konstatovao da su vijećnici: Amel Kusić, Mujo Fafulić, Mensur Čehajić i Branko Češljic podnijeli vijećničke inicijative bez govornice.

Amel Kusić: je pokrenuo vijećničku inicijativu za oslobađanje parking prostora i uređenje sigurnog pješačkog prolaza djece prema gornjem ulazu u OŠ „Hamdija Kreševljaković“. Na potezu od Čaršijske džamije prema gornjem ulazu u OŠ „Hamdija Kreševljaković“ svakodnevno se kreće veliki broj učenika nižih razreda osnovne škole (I i II razred). Radi se o djeci uzrasta od 6 do 8 godina, koja u najvećoj mjeri još uvijek nisu samostalna i nisu sigurni učesnici u saobraćaju. Pored toga, među učenicima se nalaze i djeca sa invaliditetom koja zahtijevaju dodatnu pažnju i prilagođen pristup. Trenutno stanje je takvo da su pješačke površine i prolaz često zakrčeni parkiranim vozilima zbog čega su djeca primorana kretati se po kolovozu, čime se direktno ugrožava njihova sigurnost. Predlaže da nadležne službe Općine u

saradnji sa Policijskom stanicom preduzmu sljedeće: - da se oslobodi jedan dio parkinga, - da se oslobođeni dio uredi kao siguran pješački koridor prilagođen djeci nižeg uzrasta i djeci sa invaliditetom, - da se ugrade fizičke prepreke (stubovi, betonske kugle ili zaštitna ograda).

Mujo Fafulić: je pokrenuo vijećničku inicijativu za izmjenu Odluke o stipendiranju učenika sa područja općine Kakanj („Službene novine Općine Kakanj“, broj: 3/14 i 3/16 i 1/18) kojom je propisana visina godišnje stipendije u ukupnom iznosu od 300,00 KM i koja se isplaćuje u tri rate, na način da se visina stipendije poveća na iznos od 960,00 KM koja bi se isplaćivala u mjesečnim ratama od 120,00 KM tokom osam (8) mjeseci školske godine. Razlozi za predloženu izmjenu Odluke su: - rast minimalne plate sa 395,00 KM u 2014. godini na 1.000,00 KM u 2025. godini; - povećanje cijena školskog pribora, udžbenika kao i prijevoza za učenike srednjih škola; - održavanje pravednog standarda stipendija i osiguravanje da učenici iz socijalno osjetljivih kategorija, posebno romske populacije imaju adekvatnu i dostojnu podršku; - dugogodišnji vremenski period od donošenja Odluke (više od 10 godina) bez prilagodbe iznosa stipendija savremenim ekonomskim okolnostima.

Mensur Čehajić: je pokrenuo dvije vijećničke inicijative. Prva se odnosi na hitnu sanaciju puknuća vodovodne cijevi na lokaciji „Čobin Do“ pored depoa na pogonu „Separacija“. Razlog za podnošenje inicijative je što kvar na cjevovodu uzrokuje gubitak vode i stalno oštećenje puta, te traži da se izvrši procjena stanja i poduzmu mjere na sanaciji dotrajale pukute cijevi koja je takva već duži vremenski period. Druga inicijativa je da se izvrši pregled procjene stanja sigurnosti saobraćaja na lokalnom putu od ulice 9. maj do gradske deponije u MZ Plandište. Mještani naselja Plandište su više puta ukazivali na probleme oštećenje puta, nepostojanje trotoara za kretanje mještana i velikog broja đaka koji se kreću tim dijelom puta, nedostatak pješačkih prelaza, nepropisno parkiranje i dr. Predlaže da nadležna inspekcija izađe na lice mjesta i utvrdi stanje na terenu, te poduzme potrebne mjere radi povećanja sigurnosti svih učesnika u saobraćaju kako bi se spriječio nastanak neželjenih posljedica.

Branko Češljic: je pokrenuo vijećničku inicijativu za postavljanje usporivača brzine na regionalnom putu R-466 u naselju Haljinići, na putnom pravcu od rudničkog pogona do ambulate, a radi povećanja sigurnosti pješaka, posebno djece i starijih osoba, te smanjenja rizika od nastanka saobraćajnih nezgoda.

Utvrđivanje dnevnog reda

Predsjedavajući je napomenuo da na sjednici Kolegija nije usaglašen dnevni red, pa je za sjednicu predložio dnevni red po pozivu za 10. redovnu sjednicu uz dopunu naknadno pristiglim materijalom „Prijedlog rješenja o privremenom imenovanju predsjednika Upravnog odbora JU „Dom zdravlja sa stacionarom“ Kakanj, što je predložio da se uvrsti kao posljednja tačka dnevnog reda.

U diskusiji o dnevnom nije niko učestvovao, te je Vijeće usvojilo dnevni red sa 24 glasa ZA, bez glasova PROTIV i 2 glasa UZDRŽAN.

Usvojeni dnevni red

1. Prijedlog odluke o izmjenama i dopunama Budžeta Općine Kakanj za 2025. godinu
2. Prijedlog odluke o izmjenama i dopunama Odluke o izvršavanju Budžeta Općine Kakanj za 2025. godinu
3. Izvještaj o izvršenju Budžeta Općine Kakanj za period 01.01-30.06.2025. godine
4. Izvještaj o izvršenju TBR Budžeta Općine Kakanj za period 01.01-30.06.2025. godine
5. Prijedlog odluke o izmjenama i dopunama Programa utroška namjenskih sredstava za zaštitu okoline Općine Kakanj za 2025. godinu
6. Prijedlog odluke o izmjeni i dopuni Programa utroška sredstava iz Budžeta Općine Kakanj za podsticaj razvoja poduzetništva i obrta za 2025. godine
7. Prijedlog odluke o izmjenama Odluke o davanju saglasnosti za finansijsko učešće Općine Kakanj u realizaciji Projekta „Stambeno zbrinjavanje Roma 2020-2021 u općini Kakanj“
8. Prijedlog odluke o davanju na privremeno korištenje poslovnog prostora UG „C.E.K.O.R.“ Kakanj
9. Prijedlog odluke o proglašenju Udruženja Centar za podršku Roma „Romalen“ iz Kakanja udruženjem od posebnog interesa
10. Prijedlog odluke o davanju naziva ulici
11. Prijedlog rješenja o privremenom imenovanju predsjednika Upravnog odbora JU „Dom zdravlja sa stacionarom“ Kakanj

Vijeće je vodilo objedinjenu raspravu po tačkama 1. i 2. dnevnog reda, a glasanje je obavljeno odvojeno.

1. Tačka

Prijedlog odluke o izmjenama i dopunama Budžeta Općine Kakanj za 2025. godinu

2. Tačka

Prijedlog odluke o izmjenama i dopunama Odluke o izvršavanju Budžeta Općine Kakanj za 2025. godinu

Predlagač: Općinski načelnik

Obrađivač: Služba za finansije

Izvestilac: Ramiz Hasić, pomoćnik općinskog načelnika

U diskusiji niko nije učestvovao i Vijeće je usvojilo Odluku o izmjenama i dopunama Budžeta Općine Kakanj za 2025. godinu, sa 23 glasa ZA, bez glasova PROTIV i 4 glasa UZDRŽAN. Također, Vijeće je usvojilo Odluku o izmjenama i dopunama Odluke o izvršavanju Budžeta Općine Kakanj za 2025. godinu, sa 23 glasa ZA, bez glasova PROTIV i 4 glasa UZDRŽAN.

Vijeće je vodilo objedinjenu raspravu po tačkama 3. i 4. dnevnog reda, a glasanje je obavljeno odvojeno.

3. Tačka

Izveštaj o izvršenju Budžeta Općine Kakanj za period 01.01-30.06.2025. godine

4. Tačka

Izveštaj o izvršenju TBR Budžeta Općine Kakanj za period 01.01-30.06.2025. godine

Predlagač: Općinski načelnik

Obrađivač: Služba za finansije

Izvestilac: Ramiz Hasić, pomoćnik općinskog načelnika

U diskusiji su učestvovali: Rešad Merdić i Mirnes Pipo.

Rešad Merdić: je rekao da nije zagovornik da se ostvaruje suficit jer to znači da neki projekti nisu realizirani. Upitao je zašto iznos od vodnih naknada nije realiziran nikako, a grant Fonda za zaštitu okoline tek 8%, te zašto se nije realizirao ni navedeni suficit koji je trebao biti usmjeren na rekonstrukciju glavnog vrelovoda, odnosno da li su ovi projekti uopšte započeti.

Mirnes Pipo: se osvrnuo na Izveštaj o izvršenju TBR i dodao da je evidentno da najviše sredstava ide za pomoć u liječenju građana, te se nadovezao na svoju raniju diskusiju da Općina Kakanj treba imati registar onkoloških pacijenata kako bi im se redovno, kvartalno, osigurala sredstva iz sredstava rada TE, jer njima ne treba sadaka već pravo. Na drugom mjestu su pomoći socijalno ugroženim licima što je obaveza JU Centar za socijalni rad.

Ramiz Hasić: je rekao da se radi o izvještaju za pola godine, te da je trenutno stanje drugačije, jer je u ovom mjesecu bio priliv sredstava od vodnih naknada, a sredstva iz Fonda za zaštitu okoliša uobičajeno pristižu u mjesecu oktobru.

Nakon diskusije Vijeće je usvojilo Zaključak o prihvatanju Izveštaja o izvršenju Budžeta Općine Kakanj za period 01.01-30.06.2025. godine, 21 glasom ZA, bez glasova PROTIV i 5 glasova UZDRŽAN, te Zaključak o prihvatanju Izveštaja o izvršenju TBR Budžeta Općine Kakanj za period 01.01-30.06.2025. godine, sa 22 glasa ZA, 2 glasa PROTIV i 2 glasa UZDRŽAN.

5. Tačka

Prijedlog odluke o izmjenama i dopunama Programa utroška namjenskih sredstava za zaštitu okoline Općine Kakanj za 2025. godinu

Predlagač: Općinski načelnik

Obrađivač: Služba za privredu, urbanizam i zaštitu okoline

Izvestilac: Mirza Fazlić, pomoćnik općinskog načelnika

U diskusiji niko nije učestvovao i Vijeće je usvojilo Odluku o izmjenama i dopunama Programa utroška namjenskih sredstava za zaštitu okoline Općine Kakanj za 2025. godinu, sa 22 glasa ZA, bez glasova PROTIV i 4 glasa UZDRŽAN.

6. Tačka

Prijedlog odluke o izmjeni i dopuni Programa utroška sredstava iz Budžeta Općine Kakanj za podsticaj razvoja poduzetništva i obrta za 2025. godine

Predlagač: Općinski načelnik

Obradivač: Služba za privredu, urbanizam i zaštitu okoline

Izvestilac: Mirza Fazlić, pomoćnik općinskog načelnika

U diskusiji niko nije učestvovao i Vijeće je usvojilo Odluku o izmjeni i dopuni Programa utroška sredstava iz Budžeta Općine Kakanj za podsticaj razvoja poduzetništva i obrta za 2025. godine, sa 22 glasa ZA, bez glasova PROTIV i 3 glasa UZDRŽAN.

7. Tačka

Prijedlog odluke o izmjenama Odluke o davanju saglasnosti za finansijsko učešće Općine Kakanj u realizaciji Projekta „Stambeno zbrinjavanje Roma 2020-2021 u općini Kakanj“

Predlagač: Općinski načelnik

Obradivač: Služba za imovinskopравne, geodetske poslove i katastar nekretnina

Izvestilac: Mukades Delibašić, pomoćnik općinskog načelnika

U diskusiji niko nije učestvovao i Vijeće je jednoglasno sa 26 glasova ZA usvojilo Odluku o izmjenama Odluke o davanju saglasnosti za finansijsko učešće Općine Kakanj u realizaciji Projekta „Stambeno zbrinjavanje Roma 2020-2021 u općini Kakanj“.

8. Tačka

Prijedlog odluke o davanju na privremeno korištenje poslovnog prostora UG „C.E.K.O.R.“ Kakanj

Predlagač: Općinski načelnik

Obradivač: Služba za imovinskopравne, geodetske poslove i katastar nekretnina

Izvestilac: Mukades Delibašić, pomoćnik općinskog načelnika

U diskusiji niko nije učestvovao i Vijeće je jednoglasno sa 26 glasova ZA usvojilo Odluku o davanju na privremeno korištenje poslovnog prostora UG „C.E.K.O.R.“ Kakanj.

9. Tačka

Prijedlog odluke o proglašenju Udruženja Centar za podršku Roma „Romalen“ iz Kaknja udruženjem od posebnog interesa

Predlagač: Općinski načelnik

Obradivač: Služba za društvene djelatnosti, boračka pitanja, raseljana lica, izbjeglice i povratnike

Izvestilac: Edin Aliefendić, pomoćnik općinskog načelnika

U diskusiji niko nije učestvovao i Vijeće je jednoglasno sa 25 glasova ZA usvojilo Odluku o proglašenju Udruženja Centar za podršku Roma „Romalen“ iz Kaknja udruženjem od posebnog interesa, dok se vijećnik Fafulić izuzeo od glasanja.

10. Tačka

Prijedlog odluke o davanju naziva ulici

Predlagač: Komisija za utvrđivanje kriterija, postupka davanja i izmjene naziva ulica, trgova, parkova, mostova, institucija, ustanova i naseljenih mjesta na području općine Kakanj

Obradivač: Komisija za utvrđivanje kriterija, postupka davanja i izmjene naziva ulica, trgova, parkova, mostova, institucija, ustanova i naseljenih mjesta na području općine Kakanj

Izvestilac: Dženan Ajdinović, predsjednik Komisije

U diskusiji niko nije učestvovao i Vijeće je jednoglasno sa 25 glasova ZA usvojilo Odluku o davanju naziva ulici u naselju Čobe u MZ Bukovlje, „Ulica Malika Čobe“.

11. Tačka

Prijedlog rješenja o privremenom imenovanju predsjednika Upravnog odbora JU „Dom zdravlja sa stacionarom“ Kakanj

Predlagatelj: Komisija za izbor i imenovanja

Obrađivač: Stručna služba za poslove Općinskog vijeća

Izvestilac: Hamza Vahid El-Din, predsjednik Komisije

Hamza Vahid El-Din: je ispred Komisija je predložio da se za predsjednicu UO JU „Dom zdravlja sa stacionarom“ Kakanj, na privremeni period imenuje Magbula Ganić.

U diskusiji je učestvovao Adnan Demir.

Adnan Demir: je upitao sekretara Općinskog vijeća da li je predmetni prijedlog u skladu sa Zakonom o ministarskim, vladinim i drugim imenovanjima i zašto se već nekoliko puta privremeno imenuje predsjednik UO JU.

Emir Zaimović (odgovor): je rekao da se sada išlo sa ovim prijedlogom na ovakav način jer u mjesecu decembru ističe mandat UO JU Dom zdravlja sa stacionarom Kakanj, te da će se s javnim konkursom ići ubrzo kada će biti imenovan kompletan UO.

Nakon diskusije Vijeće je usvojilo Rješenje o privremenom imenovanju Magbule Ganić za predsjednicu UO JU „Dom zdravlja sa stacionarom“ Kakanj, sa 20 glasova ZA, 2 glasa PROTIV i 3 glasa UZDRŽAN.

Predsjedavajući je zaključio rad 10. redovne sjednice Općinskog vijeća u 10:30 h.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Emir Zaimović

**PREDSJEDAVAJUĆI
OPĆINSKOG VIJEĆA**
Slaven Katičić